

AD S. D. N.
CLEMENTEM VIII.
PONTIFICEM MAX.

Oratio habita

DVM PHILIPPI III. POTENTISSIMI
Hispaniarum, & Indiarum Regis Catholici
nomine obedientiam exhiberet

D. FERDINANDVS RUIZ DE CASTRO, ET
Andrade, Comes de Lemos, Prorex Neapol. meritissimus

A Didaco del Castillo Sacrae Theologiae Doctore Hispano Cano-
nico Ecclesiae Cathedralis Palentini.

*Romae in Consistorio Publico apud Sanctum Petrum die 23. Mensis
Martij Anno Iubilaei 1600.*



SVPERIORVM PERMISSV.

ORATIO.



I quem latum atq. optatum diem, hæc Vrbs toto terrarum Orbe celeberrima, multis ab hinc annis vidit, is profectò Pater Beatissime hodiernus iusto rerum æstimatori, aut vnus videbitur, aut certè erit in lætissimis, atq. optatissimis numerandus; in quo potentissimus Philippus III. Hispaniarum Rex Catholicus Tuæ Sanctitati seipsum, & Florentissima, atq. amplissima Regna suæ ditioni subiecta in hoc omnium augustissimo, & sanctissimo Senatu, conspectuq. tuo, diuini istius imperij maiestatem veneratus, & Sanctissimis tuis pedibus prouolutus deuotè subiicit, & quam debet Christi in Terris Vicario obedientiam pollicetur. Erant sanè Hispaniarum Regna ob clarissimæ memoriæ Philippi II. obitum, iusto dolore confecta, tamquam optimo Principe, & amantissimo parente orbata, qui studio, atq. amore religionis, & iustitiæ, animi magnitudine, in aduersis rebus fortitudine, & in prosperis moderatione, nulli vnquam secundus fuit. Sed tantum hæredem, paternū nomen, & auitas virtutes referentem consequuta, mirificè recreari, & exhilarari ceperūt: quia non solum loco demortui parentis Philippus III. Regni gubernacula, sed etiā virtutū omnium ornamenta suscepit, quibus instructus sibi relictū Imperiū stabilire, feliciter propagare, & aduersus Catholicę religionis hostes tueri, animiq. excelsi, & inuicti magnitudine, ac robore, illorū impetum repellere, audaciam comprimere, & victoriam possit de illis, atq. opima spolia reportare. Verūm Rex noster aliā longè maiorem esse debere animorū lætitiā existimauit, quod nimirū ad Pontificem illum Legationem hanc debitam mittat, quem eximia in Deum pietas, summa prudentia cum iustitia coniuncta, meritò ad hanc Petri Sedem dignitate maximam, & religione sanctissimam euexerunt;

dientia officia præstantem, seq. Regna, & opes vniuersas offerentem Sanctitas Sua vnà cum his venerabilibus Fratribus suis S. R. E. Cardinalibus læto, benignoq. animo excipit, & vicissim omnia quæ ab amantissimo parente expectari possunt, ei filio sibi in Christo charissimo, atq. Ecclesiæ Catholicæ, vt nomine ita cultu coniunctissimo pollicetur, ac toto paternæ charitatis affectu defert. Quæ de Regis animi magnitudine, morum innocentia, iustitia, ceterisq. regijs dotibus commemorasti, Sanctitati Suæ sunt iucundissima, atq. hoc nomine Hispaniæ, & reliquis eius ditionibus gratulatur. Siquidem sperat eum hisce virtutibus præditum, in populorum suorum trāquillitate tuenda ad superiorum Regum gloriam, proprium etiam decus additurum. Intereà Sanctitas Sua à summo illo mundi Rectore Deo, qui gratiæ suæ dona copiosè dispensat, & dat salutem regibus, hæc illi ex animo precatur: Misericordia, & veritas illum custodiant. Clementia roboretur thronus eius. Sit subditorum suorum Rex pacificus, & optatæ cuiusq. prosperitatis, ac veræ felicitatis bonis, cælesti cum benedictione quamdiutissimè perfruatur.

F I N I S.



Superiorum Permissu.

R O M A E,

Apud Nicolaum Mutium, M. D C.